

OMMAVIY OFERTA

(KREDITOMAT 24 mobil ilovasidan foydalanish to'g'risida)

Toshkent sh.

Mazkur hujjat kelgusida «MIKROMOLIYA TASHKILOTI» (qisqartmada MMT) deb ataluvchi «KREDITOMAT TASHKENT MIKROMOLIYA TASHKILOTI» MCHJ XKning kelgusida “Mijoz” deb ataluvchi har qanday muomalaga layoqatli jismoniy shaxs nomiga O‘zbekiston Respublikasi Fuqarolik kodeksining 367-moddasi, 369-moddasi 2-qismi va 370-moddasiga muvofiq «KREDITOMAT 24» mobil ilovasi (keyingi o‘rinlarda “Shartnoma” deb ataladi) foydalanish bo‘yicha xizmatlar ko‘rsatish to‘g‘risida shartnoma tuzish to‘g‘risidagi rasmiy taklifi (Ommaviy oferta) hisoblanadi.

Mijozning ushbu Ofertada nazarda tutilgan harakatlarni bajarishi uning quyida keltirilgan shartlarga so‘zsiz roziligini bildiradi (Ofertani qabul qilish). Oferta qabul qilingan vaqtdan boshlab Shartnoma tuzilgan hisoblanadi.

Shartnomada to‘g‘ridan-to‘g‘ri nazarda tutilmagan barcha holatlarda tomonlar O‘zbekiston Respublikasining amaldagi qonunchiligiga, elektron hujjat aylanishi to‘g‘risidagi qonun hujjatlariga va ish muomalasi odatlariga amal qiladilar.

1. ATAMALAR VA TA'RIFLAR

Mobil ilova – «KREDITOMAT 24» nomi bilan AppStore va PlayMarket do‘konlarida mavjud bo‘lgan ilova, «KREDITOMAT TASHKENT MIKROMOLIYA TASHKILOTI» MCHJ XK va/yoki «SMARTAPP» MCHJ tomonidan ishlab chiqilgan va taqdim etiladigan, foydalanuvchilarga MMT xizmatlaridan, funksionallardan va/yoki mijozlar - jismoniy shaxslar uchun axborotdan foydalanish imkoniyatini taqdim etish maqsadida mobil qurilmalarga o‘rnatish va foydalanish uchun mo‘ljallangan dasturiy ta‘minot.

Ilova – KREDITOMAT 24 mobil ilovasi.

Mijoz – muomalaga layoqatli jismoniy shaxs.

Shaxsga doir ma'lumotlar — muayyan jismoniy shaxsga taalluqli yoki uni identifikatsiyalash imkonini beruvchi, Mijoz tomonidan Ilovada ro‘yxatdan o‘tishda va undan foydalanishda/MMT mahsulot/xizmatlaridan foydalanishda taqdim etilgan ma'lumotlar, shuningdek, Mijoz tomonidan Ilovadan foydalanish jarayonida avtomat ravishda MMTga uzatiladigan ma'lumotlar va MMT tomonidan boshqa manbalardan to‘plangan ma'lumotlar.

Shaxsga doir ma'lumotlarni qayta ishlash — Internet tarmog‘ining hamma foydalanishi mumkin bo‘lgan resurslariga - MMT saytlarining sahifalariga to‘plash, yozish, tizimlashtirish, yig‘ish, saqlash, aniqlashtirish (yangilash, o‘zgartirish, to‘ldirish), ajratib olish, foydalanish, taqdim etish, tarqatish, uzatish, joylashtirish, shaxsga doir ma'lumotlarni egasizlantirish va yo‘q qilish bo‘yicha bitta yoki xatti-harakatlar majmuini amalga oshirish.

Uchinchi shaxslar – agar amaldagi qonunchilikda boshqa qoida nazarda tutilmagan bo‘lsa, MMT va Mijozdan tashqari barcha boshqa shaxslar.

2. AKSEPTLASH TARTIBI

2.1. Ushbu Ofertani qabul qilish Mijozni Ilovalarda ro‘yxatdan o‘tkazish orqali amalga oshiriladi.

2.2. Ushbu Shartnomani tuzish orqali Mijoz MMTga, MMTning affilangan shaxslariga, MMT bilan bog‘liq shaxslarga, shuningdek, MMT bilan yagona kompaniyalar guruhiga kiruvchi shaxslarga, MMT tomonidan vakolat berilgan boshqa tashkilotlarga, O‘zbekiston Respublikasi hududida ham, uning tashqarisida ham, o‘z shaxsiy ma'lumotlarini (shu jumladan, lekin quyidagilarni istisno etmasdan: to‘lov va boshqa pul operatsiyalari ma'lumotlari, aloqa/mobil telefon raqami, MMT kartalari ma'lumotlari, F.I.Sh., biometrik ma'lumotlar, tug‘ilgan sanasi va joyi, doimiy va vaqtincha yashash manzili, fuqaroligi, pasport ma'lumotlari yoki identifikatsiyalovchi ID-karta yoki ularning o‘rnini bosuvchi hujjat ma'lumotlari, elektron pochta

manzili, soliq to'lovchining identifikatsiya raqami, shaxsiy identifikatsiya raqami (JSHSHIR), mijozni psixologik, iqtisodiy, madaniy yoki ijtimoiy belgilari bo'yicha identifikatsiyalash uchun MMTga zarur bo'lgan ma'lumotlar, ma'lumoti va olingan mutaxassisligi, sug'urta badallari, soliq qarzdorligi, jamg'arib boriladigan pensiya badallari summasi, ko'chmas mulk va avtotransport vositalari, boshqa ko'char mulkka egalik qilish to'g'risidagi ma'lumotlar, daromadlar to'g'risidagi ma'lumotlar, mehnat faoliyati to'g'risidagi ma'lumotlar, Mijoz bilan birga yashaydigan oila a'zolari, qarindoshlari yoki boshqa shaxslar to'g'risidagi ma'lumotlar, mijoz bilan muloqot vaqtida to'plangan ma'lumotlar (elektron pochta, telefon, chat, ijtimoiy tarmoqlar yoki boshqa aloqa kanallari orqali), audio/video yozuvlar, Mijoz haqidagi ma'lumotlarni tahlil qilish natijasida MMT tomonidan yaratilgan ma'lumotlar (masalan, Mijozning xatti-harakati, afzalliklari, xavf-xatar reytingi va boshqalar), mobil qurilmada saqlanadigan va mobil ilova tomonidan alohida funksiyalar, xizmatlar, mahsulotlar/xizmatlarni amalga oshirish doirasida foydalaniladigan har qanday ma'lumotlar, shu jumladan cookie-fayllar va kirish imkoniyatini taqdim etish orqali uzatiladigan ma'lumotlar, Ilovadan foydalanilganda MMTga avtomat ravishda uzatiladigan yoki operatsion tizim darajasida rozilikdan keyin uzatiladigan boshqa ma'lumotlar, ochiq manbalardan olingan ma'lumotlar, O'zbekiston Respublikasi qonun hujjatlariga muvofiq qayta ishlanadigan ma'lumotlar, shuningdek, xizmatlar/mahsulotlardan foydalanish uchun zarur bo'lgan har qanday boshqa shaxsiy ma'lumotlar,) avtomatlashtirilgan hamda avtomatlashtirish vositalaridan foydalanmagan holda qayta ishlashga rozilik beradi, ya'ni, to'plash, yozish, tizimlashtirish, to'plash, saqlash, aniqlashtirish (yangilash, o'zgartirish, to'ldirish), ajratib olish, foydalanish, uchinchi shaxslarga berish (shu jumladan - shaxsga doir ma'lumotlar subyektlari huquqlarining ham yetarli darajada himoya qilinishini ta'minlaydigan, ham ta'minlamaydigan xorijiy davlatlar hududiga), ushbu Shartnomada belgilangan maqsadlarda MMT saytlarining hamma foydalanishi mumkin bo'lgan Internet resurslari sahifalariga taqdim etish, tarqatish, joylashtirish, egasizlantirish, yo'q qilish.

2.3. MMT Mijozga O'zbekiston Respublikasining amaldagi qonunchiligi talablariga muvofiq Mijozning shaxsiy ma'lumotlari maxfiylikni ta'minlash bo'yicha barcha zarur choralar ko'rilishini kafolatlaydi. Mijozning shaxsiy ma'lumotlarga ishlov berishga bergan roziligi muddatsizdir, shu bilan birga, shaxsiy ma'lumotlarga ishlov berishga bergan roziligi istalgan vaqtda Mijoz tomonidan MMTga ariza berish orqali qaytarib olinishi mumkin.

2.4. Ushbu Ommaviy ofertani qabul qilib, Mijoz:

2.4.1. quyidagilar haqida xabardorligi va roziligini bildiradi:

- login, parol yoki bir martalik tekshiruv kodini kiritish bilan bog'liq barcha xatti-harakatlar, shuningdek, tasdiqlash oynasida amalga oshirilgan barcha harakatlar shaxsan Mijoz tomonidan amalga oshiriladi;
- Kredit bitimini tuzish, o'zgartirish va ijrosini monitoring qilish vaqtida tavakkalchilikni baholash maqsadida, shu jumladan Mijozni reyting baholash yo'li bilan MMT Mijoz va/yoki kreditlash obyektiga (zarurat bo'lganda) va/yoki kafilga tegishli barcha zarur ma'lumotlarni (kredit hisobotlari/kredit tarixi/kredit axboroti va h.k.) O'zbekiston Respublikasi Markaziy Bank huzuridagi Kredit axboroti davlat reyestriga va/yoki "O'zR Kredit byurosi" MCHJga, Kredit- axborot tahliliy markaziga va boshqa tashkilotlar, Banklar va MMTlarga berishga va/yoki olishga haqli;
- Davlat soliq xizmati organlarining Ma'lumotlarni qayta ishlash markazidan Mijozning shaxsiy ma'lumotlarini so'rab olish va ulardan foydalanish.
- Ilovadan foydalanganda mijoz haqidagi anonim statistik ma'lumotlar avtomat ravishda (cookie'lardan) shu jumladan, lekin bular bilan cheklanmagan holda, mijozning geolokatsiyasi, mijozning telefon kontaktlari haqidagi ma'lumotlar to'planadi.

2.5. Ilovadan foydalanishni boshlashdan oldin ushbu Oferta matni bilan to'liq tanishib chiqish zarur. Oferta shartlariga to'liq yoki qisman rozi bo'lmagan holatlarda, Ilovadan foydalanmaslik kerak.

3. SHARTNOMA PREDMETI

3.1. Mobil ilova MMT mijozlariga Ilovadan foydalanish, mikrozaym shartnomasini masofadan turib tuzish va qarz mablag'larini olish imkoniyatini taqdim etadi.

Mijozlarga quyidagi funksional imkoniyatlar yaratiladi: avtorizatsiya, ro'yxatdan o'tish, identifikatsiya qilish, to'lovlar grafigini hisoblash hamda kredit shartlari, ommaviy oferta va boshqa hujjatlar bilan tanishish, kredit mablag'larini to'lov tizimi orqali mijozning bank kartasiga avtomatik o'tkazish yo'li bilan berish, berilgan mablag'larni to'lov tizimi (tizimlari) orqali qaytarish uchun shart-sharoitlarni tashkil etish, muddati o'tgan qarzdorlik, muddatidan oldin to'lash yoki belgilangan grafik asosida to'lash holatlarida kredit grafigidagi o'zgarishlarni monitoring qilish, muddatidan oldin to'lash imkoniyati, shuningdek avval berilgan kredit bo'yicha barcha majburiyatlar bajarilgan taqdirda yangi kredit olish imkoniyati, kredit mahsulotlarini olish va ulardan foydalanish, hamda Ilova funksionali doirasida nazarda tutilgan boshqa harakatlarni amalga oshirish. MMT Ilova orqali mijozning moliyaviy barqarorligini (to'lovga qobiliyatligini) tekshirish huquqiga ega.

3.2. Shaxsga doir ma'lumotlarga ishlov berish quyidagi maqsadlarda amalga oshiriladi:

3.2.1. O'zbekiston Respublikasi qonunchiligiga va ichki normativ hujjatlarga rioya etilishini ta'minlash;

3.2.2. Mijoz taraf bo'lgan shartnomalarni tuzish va bajarish choralarini ko'rish, shu jumladan shartnomalar bo'yicha majburiyatlarning joriy va kelgusidagi bajarilishini nazorat qilish va prognoz qilish;

3.2.3. Mijozning moliyaviy va mulkiy holatini, uning uchinchi shaxslar bilan o'zaro munosabatlarini tekshirish, kredit hisobotini, Mijoz to'g'risidagi kredit axborotini olish;

3.2.4. O'zbekiston Respublikasi qonunchiligiga muvofiq istalgan vaqtda istalgan miqdordagi istalgan manbadan Mijozga tegishli har qanday ma'lumotni so'rash;

3.2.5. Kommunikatsiyalar. Mijoz bilan aloqani amalga oshirish, shu jumladan, MMT mahsulotlari/xizmatlari va ulardan foydalanish shartlariga taalluqli bildirishnomalar, so'rovlar va ma'lumotlarni yuborish, shuningdek, mijozlardan so'rovlar va arizalarni qayta ishlash, shu jumladan, bunday so'rovlar va arizalarni keyinchalik MMT kontragentlariga topshirish;

3.2.6. MMT xizmatlari /mahsulotlarining sifatini yaxshilash, ulardan foydalanish qulayligi, MMTning yangi xizmatlari/mahsulotlarini ishlab chiqish, mijozga moslashtirilgan MMT xizmatlarini taklif qilish, hamkorlikning yangi usullarini ishlab chiqish va MMT biznesini rivojlantirish;

3.2.7. MMT va/yoki uning affilangan shaxslari va/yoki MMT bilan bog'liq shaxslar va/yoki MMT bilan yagona kompaniyalar guruhiga kiruvchi shaxslar, MMT tomonidan vakolat berilgan tashkilotlarni, statistik va/yoki marketing va boshqa tadqiqotlarni, kredit va/yoki tranzaksiya tarixini tahlil qilish, to'lovlar/o'tkazmalar, daromadlar, xarid qilish xatti-harakatlari va o'z va/yoki umumiy mijozlar va/yoki barcha mijozlarning boshqa ma'lumotlarini tahlil qilish; Ushbu Shartnomaning 3.3.7-band maqsadlari uchun MMT tomonidan belgilangan shartlar doirasida o'zining Mobil-illovasida o'z mijozlari/foydalanuvchilariga MMT xizmatidan/mahsulotidan foydalanish imkoniyatini taqdim etadigan yuridik shaxs MMT tomonidan vakolat berilgan Tashkilot hisoblanadi;

3.2.8. MMT tomonidan yuridik, buxgalteriya, auditorlik, axborot (shu jumladan ma'lumotlarni joylashtirish va qayta ishlash, axborot texnologiyalarini yaratish) va maslahat xizmatlari olish;

3.2.9. MMT tomonidan, shu jumladan uning affilangan shaxslari va/yoki MMT bilan bog'liq shaxslar va/yoki boshqa tashkilotlar bilan birgalikda aksiyalar, so'rovnomalar, so'rovlar o'tkazish va/yoki yangi mahsulotlar/xizmatlar to'g'risida xabardor qilish;

3.2.10. Ilovadan foydalangan holda qonun hujjatlari yoki bitimlar talablariga zid bo'lgan xatti-harakatlarning oldini olish;

3.2.11. Ochiq manbalarga joylashtirish uchun turli hisobotlar, tadqiqotlar va/yoki taqdimotlar tayyorlash;

3.2.12. MMTning qonuniy manfaatlari va/yoki qonuniy huquqlarini himoya qilish.

3.3. Ushbu Shartnomaning 2.3. va 3.1-bandlari maqsadlari uchun MMT bilan yagona kompaniyalar guruhiga kiruvchi shaxslar quyidagilardan iborat: (1) MMT bevosita yoki bilvosita (boshqa shaxslar orqali, shu jumladan, qimmatli qog'ozlarning nominal egasi orqali) har qanday miqdordagi ulushga (ovoz berish huquqiga ega yoki ega emas) egalik qiladigan (yakka tartibda yoki boshqa har qanday shaxs bilan birgalikda) yoki nazoratni amalga oshiradigan (yakka tartibda yoki boshqa shaxslar bilan birgalikda boshqaruv organlari, qo'mitalar a'zosining siyosatiga, biznes qarorlariga yoki tayinlanishiga ta'sir ko'rsatadigan) yuridik shaxslar, ishonchli boshqaruv yoki ushbu shaxsning aksiyadorlari bilan kelishuv yoki boshqaruv organlari/qo'mitalarida ishtirok etish orqali; (2) MMTning aksiyadori bevosita yoki bilvosita

(boshqa shaxslar orqali) ustav kapitalida (yakka tartibda yoki istalgan boshqa shaxs bilan birgalikda) ixtiyoriy miqdordagi ulushga (ovoz berish huquqiga ega yoki ega emas) ega bo'lgan yuridik shaxslar guruhi.

3.4. Ushbu Ommaviy ofertani qabul qilib, Mijoz O'zbekiston Respublikasining 02.07.2019-yildagi "Shaxsga doir ma'lumotlar to'g'risidagi O'RQ-547-son Qonunining 22-moddasida nazarda tutilgan o'z huquqlarini tushunishini tasdiqlaydi, ya'ni, uning shaxsga doir ma'lumotlariga ishlov berishga taalluqli axborotni olish huquqini o'z ichiga oladi, shu jumladan: 1) shaxsga doir ma'lumotlarga ishlov berilganligi faktini; 2) shaxsga doir ma'lumotlarga ishlov berish asoslari va maqsadlari; 3) shaxsga doir ma'lumotlarga ishlov berishning qo'llaniladigan usullari; 4) operatorning nomi va joylashgan joyi, shaxsga doir ma'lumotlarga kirish huquqiga ega bo'lgan yoki shaxsga doir ma'lumotlar operator bilan tuzilgan shartnoma asosida yoki qonun asosida oshkor etilishi mumkin bo'lgan shaxslar to'g'risidagi ma'lumotlar (operator xodimlari bundan mustasno); 5) shaxsga doir ma'lumotlarning tegishli subyektiga tegishli bo'lgan shaxsga doir ma'lumotlarga ishlov beriladigan ma'lumotlarning tarkibi, ularni olish manbai, agar qonunda bunday ma'lumotlarni taqdim etishning boshqacha tartibi nazarda tutilmagan bo'lsa; 6) shaxsga doir ma'lumotlarga ishlov berish muddatlari, shu jumladan ularni saqlash muddatlari; 7) shaxsga doir ma'lumotlar subyektini tomonidan O'zbekiston Respublikasining "Shaxsga doir ma'lumotlar to'g'risidagi Qonunida nazarda tutilgan huquqlarni amalga oshirish tartibi; 8) amalga oshirilgan yoki mo'ljallanayotgan transchegaraviy ma'lumotlar uzatilishi to'g'risidagi axborot.

4. TOMONLAR MAJBURIYATLARI

4.1. MMT:

- Ilovalarning zarur darajada ishlashini ta'minlash majburiyatini oladi, Ilovalar ishida uzilishlar uchinchi shaxslar/texnik va profilaktika ishlari sababli sodir bo'lgan hollar bundan mustasno;
- shaxsga doir ma'lumotlarni himoya qilish bo'yicha shaxsga doir ma'lumotlarning yaxlitligi va but saqlanishini, shaxsga doir ma'lumotlarga qonunga xilof ravishda ishlov berishning oldini olishni ta'minlaydigan huquqiy, tashkiliy va texnik choralarni ko'rish majburiyatini oladi;
- Mijozni MMTning yangiliklari, MMT hamkorlari, ilovalarda Mijozlar uchun to'lovlar mavjud bo'lgan tovarlar va xizmatlar/ishlarning yetkazib beruvchilari, shuningdek, ilovalarga kiritiladigan o'zgartirishlar va yangilanishlar haqida o'z vaqtida xabardor qilish majburiyatini oladi.

4.2. Mijoz:

- ushbu Oferta talablarini bajarish majburiyatini oladi;
- Ilovalarga kirish uchun vosita bo'lgan qurilmaning axborot xavfsizligini mustaqil ravishda ta'minlash majburiyatini oladi;
- ushbu Shartnoma tuzilgandan so'ng, Mijoz autentifikatsiya ma'lumotlarining saqlanishi, ularning uchinchi shaxslarga berilishi va ushbu ma'lumotlardan foydalangan holda MMT tomonidan ko'rsatiladigan xizmatlar uchun shaxsan javob beradi;
- Ilovalardan foydalanib, o'zining muomalaga layoqatli ekanligini, shuningdek, Ilovalardan biror-bir firibgarlik va boshqa noqonuniy maqsadlarda foydalanmoqchi emasligini tasdiqlaydi va kafolatlaydi;
- MMTga taqdim etilgan Mijoz haqidagi ma'lumotlar haqqoniy, aniq, ishonchli, haqiqiy va Mijozning xohishiga mos keladi. Bunda Mijoz noto'g'ri, yolg'on, to'liq bo'lmagan ma'lumotlarni MMTga yetkazish oqibatlarini anglab yetadi;
- Mijoz ushbu hujjatni o'z ehtiyoji uchun imzolaydi, uchinchi shaxslarning manfaatlarini ko'zlab harakat qilmaydi, soxta MMTlar va shaxslar bilan aloqasi yo'q;
- Shartnoma bo'yicha o'z huquq va majburiyatlarini MMTning oldindan yozma rozilgisiz uchinchi shaxslarga o'tkazishga haqli emas. Haqiqiy holatlardan qat'i nazar, Ilovalarda amalga oshirilgan barcha harakatlar Mijoz tomonidan ixtiyoriy ravishda amalga oshirilgan deb hisoblanadi.

4.3. MMT mazkur Ofertaga bir tomonlama tartibda o'zgartirishlar kiritish huquqiga ega. Bunda MMT mijozni ushbu o'zgartirishlar haqida www.kreditomat24.uz va/yoki www.cash24.uz rasmiy veb-saytlarida, shuningdek MMTga tegishli boshqa domenlarda e'lon qilish orqali va/yoki axborot push-xabarnomalari orqali, va/yoki Ilova interfeysi orqali, va/yoki SMS-xabarnoma yuborish orqali, hamda/yoki MMTga tegishli

rasmiy ijtimoiy tarmoq sahifalarida joylashtirish orqali xabardor qiladi.

5. TOMONLARNING MAS'ULIYATI

- 5.1. Tomonlar ushbu Shartnoma shartlarini bajarmaganlik yoki lozim darajada bajarmaganlik uchun O'zbekiston Respublikasi qonunchiligiga muvofiq javob beradilar.
- 5.2. Mijoz ushbu Shartnoma bo'yicha majburiyatlarni bajarmaganligi yoki lozim darajada bajarmaganligi natijasida yuzaga keladigan har qanday zararlar yoki boshqa salbiy oqibatlar uchun javobgar bo'ladi.
- 5.3. Mijoz himoyalangan ulanishlardan foydalanadigan yoki zararli dasturlar va ilovalar tahdidi ostida bo'lgan qurilmada shaxsiy ma'lumotlarini kiritishda ularning saqlanishi uchun to'liq javobgardir.
- 5.4. Agar Mijoz tomonidan Shartnoma shartlarining bajarilmaganligi oqibatida ular lozim darajada bajarilmagan bo'lsa, MMT Shartnoma shartlarining lozim darajada bajarilmaganligi uchun javobgar bo'lmaydi.
- 5.5. Mijoz ushbu Oferta shartlari bilan, shuningdek, kredit va boshqa mahsulotlar shartlari bilan Ilovada faollashganda tanishib chiqmaganligi va (yoki) o'z vaqtida tanishib chiqmaganligi sababli Mijozda yuzaga kelgan har qanday zararlar uchun MMT javobgar bo'lmaydi.
- 5.6. Shartnoma shartlarining lozim darajada bajarilmaganligi uchun, agar bunday bajarmaslik MMT nazoratidan tashqarida bo'lgan sabablar tufayli yuzaga kelgan bo'lsa, MMT javobgar bo'lmaydi. MMTning nazorat doirasi faqat Ilovaning ishlash imkoniyatlari bilan cheklanadi va uchinchi shaxslarning aybi bilan yoki davlat yoki sud hokimiyati organlari tomonidan qo'yilgan taqiq va cheklovlar natijasida yuzaga kelgan uzilishlar uchun javobgarlikni o'z ichiga olmaydi.
- 5.7. Ilovaning barcha axborot oqimi, shu jumladan barcha kontent, dasturiy ta'minot, funksional, materiallar va so'rov munosabati bilan taqdim etilgan yoki Ilova orqali foydalanish mumkin bo'lgan ma'lumotlar istisno va qo'shimchalarsiz "qanday bo'lsa shunday," ya'ni o'zgarmas shaklda taqdim etiladi.
- 5.8. MMT Ilovalar foydalanadigan xizmatlar yoki kontent, materiallar, axborot va funksionallarga nisbatan yoki ushbu Shartnomada nazarda tutilmagan usullar bilan Ilovalardan foydalanilgan hollarda Ilovalar orqali maxfiy axborotni uzatish bilan bog'liq har qanday himoya buzilishlariga nisbatan hech qanday kafolat yoki kafolatlarni bermaydi.
- 5.9. MMT har qanday holatda Mijoz yoki uchinchi tomon oldida har qanday zarar va yo'qotishlar uchun, shu jumladan, lekin bular bilan cheklanmagan holda, foydani yo'qotish, obro'ga putur yetkazish yoki Mijoz tomonidan Ilovalar orqali tovarlarni (ishlarni, xizmatlarni) sotib olish bilan bog'liq har qanday boshqa yo'qotishlar, shuningdek, Ilovalar orqali sotib olingan, olingan yoki to'langan har qanday tovarlar (ishlar, xizmatlar, ma'lumotlar, kontent) uchun javobgar bo'lmaydi.
- 5.10. Har bir Tomon ikkinchi Tomon ushbu Shartnomada belgilangan javobgarlik cheklovlarini e'tirof etgan holda ushbu Shartnomani tuzishini va ushbu cheklovlar tomonlar o'rtasidagi kelishuvlarning zarur asosi ekanligini e'tirof etadi va bunda Tomonlardan hech biri bunday tomonning oqilona nazoratidan tashqarida bo'lgan har qanday shartlar, shu jumladan hukumat faoliyati yoki terrorchilik harakatlari, zilzilalar, yong'inlar, suv toshqinlari yoki boshqa tabiiy ofatlar, mehnat sharoitlari bilan bog'liq vaziyatlar, ta'minotdagi uzilishlar va Internet aloqasining buzilishi kabi holatlar tufayli majburiyatlarni bajarmaslik yoki kechikish uchun, lekin ushbu holatlar bilan cheklanmagan holda, javobgar bo'lmaydi.

6. INTELLEKTUAL MULK

- 6.1. Ilovalar, uning mazmuni, tuzilishi va dizayni MMTning mualliflik huquqi bilan to'liq himoyalangan. MMTning mutlaq huquqlari MMT tomonidan yaratilgan va ro'yxatdan o'tkazilgan har qanday intellektual mulkka, shu jumladan uning tovar belgilariga ham taalluqlidir.
- 6.2. MMTning mualliflik va boshqa intellektual mulk huquqlari Ilovalarga va uning barcha kontentiga (jumladan, mahsulotlar va xizmatlarga) tatbiq etiladi.
- 6.3. Ilovalardagi har qanday axborot/kontent, jumladan, logotip, belgi, grafik, tasvir, patent, xizmat/tovar

belgisi, dizayn, MMT tomonidan yaratilgan vizual media va boshqa intellektual mulkdan (ro'yxatdan o'tgan yoki ro'yxatdan o'tmagan) har qanday ruxsatsiz foydalanish, qayta ishlash yoki nashr qilish (shu jumladan, ijtimoiy tarmoqlar orqali) MMTning oldindan yozma roziligisiz taqiqlanadi.

6.4. Ilovalarda Intellektual mulkka havola qilish undan foydalanish uchun foydalanuvchiga litsenziya berilganligini anglatmaydi. Mijoz tomonidan Tijorat maqsadlarida Ilovalardan har qanday ma'lumotni yuklab olish (foydalanish) yoki nusxalash O'zbekiston Respublikasi qonunchiligiga rioya etmaslik hisoblanadi.

6.5. Ushbu Ofertaning hech bir sharti ushbu bo'limda ko'rsatilgan MMTning intellektual mulkidan yoki litsenziyasidan foydalanish huquqini bermaydi.

7. SHARTNOMANI BEKOR QILISH

7.1. Mijoz istalgan vaqtda Ilovalardagi akkauntni o'chirib tashlab, Shartnomani bajarishdan bosh tortishga haqli.

7.2. Shartnoma akkaunt o'chirilganidan keyin darhol bekor qilingan hisoblanadi. Agar bunday xizmatlar faollashtirilgan bo'lsa, mazkur Shartnomaning bekor qilinishi kredit mahsulotlari bo'yicha Shartnomalarning bekor qilinishini anglatmaydi.

7.3. Mazkur Shartnomaning bekor qilinishi shaxsga doir ma'lumotlarga ishlov berishga bo'lgan rozilikni qaytarib olishni anglatmaydi. Mijoz o'z shaxsiy ma'lumotlarini qayta ishlashga bergan roziligini istalgan vaqtda MMTga ariza berish orqali qaytarib olishi mumkin.

8. NIZOLARNI KO'RIB CHIQISH TARTIBI

8.1. Ushbu Shartnomadan kelib chiqadigan har qanday nizo Mijozning murojaati asosida tinch yo'l bilan yoki da'vo tartibida hal qilinishi kerak. Murojaatni ko'rib chiqish muddati va uning mazmuniga doir talablar O'zbekiston Respublikasining amaldagi qonun hujjatlari bilan belgilanadi.

8.2. Agar yuzaga kelgan nizo e'tiroz tartibida hal qilinmasa, u MMT ro'yxatga olingan joydagi idoraviy mansub sudda O'zbekiston Respublikasining amaldagi qonunchiligida nazarda tutilgan tartibda ko'rib chiqilishi kerak.

8.3. Mijoz bilan da'vo ishi va Mijozni texnik qo'llab-quvvatlash xizmatlari faqat so'rovlarni qabul qilish, ularni qayta ishlash va tushgan so'rovlarga javoblar yuborish orqali taqdim etiladi. Mijozlarning so'rovlari shartnomaning 10-bo'limida ko'rsatilgan elektron pochta yoki telefon orqali qabul qilinadi.

9. BOSHQA SHARTLAR

9.1. MMT va Mijoz o'rtasidagi ushbu Ommaviy ofertada nazarda tutilmagan munosabatlar O'zbekiston Respublikasining amaldagi qonunchiligi bilan tartibga solinadi.

9.2. O'zbekiston Respublikasining "Axborotlashtirish to'g'risida" va "Shaxsga doir ma'lumotlar to'g'risidagi qonunlariga muvofiq, ushbu bilan Mijoz shaxsiy ma'lumotlar to'g'risidagi axborotni, shuningdek, o'z majburiyatlarini bajarish uchun MMTga zarur bo'lgan boshqa qonun bilan qo'riqlanadigan sirni uchinchi shaxslarga erkin ravishda, o'z xohishiga ko'ra va o'z manfaatlarini ko'zlab taqdim etishga MMTga rozilik beradi.

9.3. Tomonlar elektron shakldagi hujjatlarni, shu jumladan Ilovalar vositasida to'ldiriladigan va tuziladigan hujjatlarni oddiy yozma shaklda tuzilgan hujjatlar sifatida tan olishga kelishib oldilar.

9.4. Agar ushbu Ommaviy ofertaning biror-bir sharti O'zbekiston Respublikasining amaldagi qonunchiligiga muvofiq noqonuniy va/yoki haqiqiy emas deb topilsa, Ommaviy ofertaning bunday shartlari Tomonlar o'rtasidagi o'zaro munosabatlarda qo'llanilmaydi va Ommaviy ofertada mavjud bo'lgan asl maqsadlarga maksimal darajada javob beradigan yangi shartlar bilan almashtiriladi. Ommaviy ofertaning qolgan shartlari to'liq yuridik kuchini va haqiqiylikini saqlab qoladi.

9.5. Ushbu Ofertani qabul qilish bilan Mijoz Shartnomaning barcha shartlariga so'zsiz roziligini tasdiqlaydi

va uni bajarish majburiyatini oladi.

10. MMT REKVIZITLARI

Manzil: 100000, Toshkent shahri, Mirobod tumani, Yoqub

Kolas ko'chasi 4-54

MFO: 00974

STIR: 306 870 963

Tel: 998 (99) 640-28-28

e-mail: info@kreditomat24.uz